

ТАЪЛИМ ДАСТУРИ ПРОФИЛИ
(5240104 – Юриспруденция: Жиноий-ҳуқуқий фаолият)

Умумий маълумотлар:

ОТМ номи ва манзили: Тошкент давлат юридик университети (ТДЮУ), Сайилгоҳ кўчаси, 35-уй, 100047

Ташкилот тури ва ҳуқуқий мақоми ҳақида маълумот: ТДЮУ юридик шахс бўлиб, олий таълим муассасаси ҳисобланади.

Академик календар: Университетда ўқув йили қоида тариқасида 2 сентябрдан бошланади ва ўқув соатлари ўқув йилида 28 ҳафтани ташкил этади, жумладан 14 ҳафта кузги, 14 ҳафта баҳорги семестрлар учун.

Кузги ва баҳорги семестрларда талабаларнинг мустақил таълимга ажратилган. Бунда кузги семестрда 1, 6, 12-ҳафталар, баҳорги семестрда эса 29 ва 35 ҳафталар мустақил таълим ҳафталиги ҳисобланади.

Қишки таътил ўқув йилининг 18 ва 19 ҳафталарида бўлиб ўтади.

Ўқув йилининг 20-23-ҳафталари кузги семестр учун якуний назоратларни топшириш учун ажратилган.

Баҳорги семестр қоида тариқасида 1 февралдан бошланади. Ўқув йилининг 40-43 ҳафталарида баҳорги семестр учун якуний назоратлар бўлиб ўтиши режалаштирилган.

1-3 курс талабалари учун ўқув йилининг 44-52 ҳафталари ёзги таътил учун ажратилган.

4-курс талабалари учун ўқув йилининг 24-33 ҳафталарида битирув малакавий амалиёт ўташи, 34-37 ҳафталарда эса Якуний давлат аттестация ўтказилади.

4-курс талабалари учун ўқув йили 38-42 ҳафталарда битирув малакавий ишини ҳимоя қилиш билан якунланади.

Таълим дастури ҳақида маълумот:

Таълим дастури номи, шифр коди: 5240104 – Юриспруденция: Жиноий-ҳуқуқий фаолият

Таълим дастури давомийлиги нечи йил: 4 йил

Жами кредитлар миқдори: 240 ECTS

Дастур тури: бакалавр

Дастур тили: ўзбек, рус, инглиз

Ўқув режа: ТДЮУ Кенгашининг 26.06.2020 йилги мажлиси қарори билан тасдиқланган.

Қабул талаблари: Ўзбекистон Республикаси Вазирлар Маҳкамаси ҳузуридаги Давлат тест маркази томонидан тест синовлари орқали амалга оширилади. Тест синовлари фанлар мажмуаси ва баҳолаш мезонлари 2020/2021 ўқув йили учун қуйидагича:

– *тарих фанидан* жами **30 та** савол бўлиб, ҳар бир тўғри жавобга **3,2 балл** берилади. Мазкур фандан тўпланиши мумкин бўлган умумий балл **96 балл**ни ташкил этади;

– *чет тили фанидан* жами **30** та савол бўлиб, ҳар бир тўғри жавобга **3,1** балл берилади. Мазкур фандан тўпланиши мумкин бўлган умумий балл **93** баллни ташкил этади.

Умумий тест синовларидан тўпланиши мумкин бўлган максимал балл **189** баллни ташкил этади.

Чет тилидан ўтказиладиган тест синовларидан озод этиш ва ушбу фандан максимал балл олиш учун чет тилларини билиш бўйича сертификатлар даражалари қуйидагича бўлиши талаб этилади:

CEFR миллий сертификати бўйича – **B2** ва ундан юқори;

IELTS сертификати бўйича – **5,5** (бунда writing модулидан 5,5 балл) ва ундан юқори;

TOEFL сертификати бўйича – **72** балл;

бошқа тиллар бўйича тегишли миллий ва халқаро сертификатлар – **B2** ва ундан юқори.

Тўлов шарнома пули:

Ўзбекистон Республикаси фуқаролари учун - **9 782 352,0** сўм,

хорижий фуқаролар учун **16 711 518,0** сўм тўлов-контракт миқдорлари белгиланган.

Ушбу миқдорлар таркибида талабага бир йиллик стипендия тўлаш билан боғлиқ харажатлар кўзда тутилмаган. Меҳнатга ҳақ тўлашнинг энг кам миқдорлари ўзгарганда тўлов-контракт қиймати миқдорлари мос равишда ўзгаради.

Таълим йўналиши объекти: ҳуқуқ ижодкорлиги фаолияти, ҳуқуқни қўллаш амалиёти, тергов ва суриштирувни амалга ошириш, суд процесси, ижро иши юритиш жараёни, юридик хизмат кўрсатиш, адвокатлик фаолияти, нотариал ҳаракатларни амалга ошириш, халқаро ташкилотлар ва бошқа ташкилотларда юридик фаолиятни амалга ошириш ҳисобланади.

Мақсади талабаларда: юриспруденция соҳасидаги назарий билимларни ва амалий кўникмаларни шакллантириш, ҳуқуқ устуворлиги моҳиятини англаш ва ўз фаолиятида доимий қўллаш, ҳуқуқ нормаларини давлат ҳокимияти ва бошқаруви органлари, суд ва ҳуқуқни муҳофаза қилувчи органлар, адвокатура ва бошқа ташкилотларнинг юридик хизматида қўллаш, суд процессида қатнашиш, музокаралар олиб боришни ташкил этиш, миждозлар билан суҳбатлашиш, юридик хулосалар бериш ва таҳлилий маълумотлар тайёрлаш, процессуал ва бошқа ҳужжатларни тузиш, ҳуқуқ ижодкорлиги фаолиятида, хусусан, қонун лойиҳалари, қонуности норматив-ҳуқуқий ҳужжатлар ва бошқа ҳужжатларни тайёрлаш бўйича амалий кўникмаларга эга бўлиш, шунингдек, низоли масалаларга қонун нормаларини тўғри қўллаш орқали хулосалар бериш малакасини шакллантириш.

Таълим сўнгида кутилаётган натижалар (малака, кўникма, лаёқат). Таълим йўналиши битирувчилари:

- суд ва ҳуқуқни муҳофаза қилувчи органларда, адвокатлик тузилмаларида, шунингдек бошқа ташкилотларда юридик фаолиятни ҳамда кадрлар хизматини ташкилий-ҳуқуқий таъминлаш;

- жиноятчиликни олдини олиш ва жиноятчиликка қарши курашиш шу жумладан коррупцияга қарши курашиш;
- муаммоли вазиятларга ҳуқуқий ечимлар бериш;
- ҳуқуқий билимларни шакллантириш орқали соҳага оид норматив-ҳуқуқий ҳужжатларни шарҳлаш **малакасига эга бўлиши керак;**
- ҳуқуқни қўллаш жараёнида ҳуқуқ принциплари, норматив-ҳуқуқий ҳужжатларни тўғри қўллай олиш;
- ҳуқуқни қўллаш фаолиятини мониторинг қилиш ва сифатини баҳолаш бўйича самарали усул ва механизмларни ишлаб чиқиш;
- касбий фаолиятида ҳуқуқий асосланган қарорлар қабул қила олиш;
- ўз касбининг мавқеини тушуниш, касбий ва фуқаролик мажбуриятни бажаришда ижтимоий фаол бўлиш;
- жамиятни демократик қадриятлар асосида ривожлантиришга интилиш **кўникмаларига эга бўлиши;**
- илмий дунёқарашга доир билимлар тизимини эгаллаган бўлиши;
- ижтимоий муаммолар ва жараёнларни мустақил таҳлил қилиш қобилиятига эга бўлиши;
- ўзининг шахсий дунёқарашини орқали ижтимоий ва шахсий аҳамиятга эга бўлган муаммоларни тушуниши ва уларни таҳлил қилиши;
- ўз фаолиятида норматив-ҳуқуқий ҳужжатлардан фойдалана билиши;
- ахлоқий ва ҳуқуқий меъёрлар ва мажбуриятларни ҳисобга олган ҳолда мақсадга эришишда қатъият кўрсатиш **лаёқатига эга бўлиши керак.**

Қайси соҳаларда ишласа бўлади: Суд, ҳуқуқни муҳофаза қилувчи органлар, шу жумладан суд, адлия, прокуратура, ички ишлар органлари тизимида, адвокатура ҳамда бошқа ташкилотларда фаолият олиб боради. Шунингдек, битирувчилар бошқа вазирлик ва қўмиталарнинг юридик бошқарма ҳамда бўлимларида ҳам фаолият олиб боришлари мумкин. Юриспруденция таълим йўналиши бўйича бакалавр дипломи талаб этиладиган барча соҳаларда ишлаши мумкин.